

Asfia, Premier dijangka meriahkan Perayaan Hari Kebangsaan di Mukah

MUKAH: Pemangku Yang di-Pertua Negeri Tan Sri Datuk Amar Mohamad Asfia Awang Nassar dan Premier Sarawak Datuk Patinggi Tan Sri Abang Johari Tun Openg dijangka hadir untuk memiahkan Sambutan Perayaan Hari Kebangsaan Peringkat Sarawak 2023 di sini pada 31 Ogos nanti.

Menteri Pembangunan Wanita, Kanak-kanak dan Kesejahteraan Komuniti Dato Sri Fatimah Abdullah berkata, beliau bersama

ahli jawatankuasa sambutan menjemput Asfia untuk menghadiri sambutan dua hari itu iaitu pada 30 dan 31 Ogos.

"Kita adakan pelbagai acara sambutan iaitu antaranya Malam Ambang Merdeka di Dataran Pehin Setia Raja pada sebelah malam 30 Ogos," katanya selepas mengadakan kunjungan hormat ke atas Asfia di Astana Negeri di Kuching, Kelmorin.

Acara diteruskan pada awal pagi 31 Ogos dengan 'Unity Ride


and Walk' di dataran terbabit. Sekitar 11 pagi, acara dilanjutkan dengan Majlis Peringatan Hari Kebangsaan Peringkat Sarawak 2023 di Dewan Serbaguna Politeknik Mukah.

Sebelum petang iaitu acara terakhir di Dewan Serbaguna CENTEXS Mukah pada diadakan Sesi Townhall 'Tekad Perpaduan Penuh Harapan'.

Dijangka turut hadir pada acara berkenaan nanti adalah isteri kepada Pemangku Yang

di-Pertua Negeri Puan Sri Datuk Fatimah Mohamad Iskandar dan juga isteri Premier Sarawak Datuk Amar Juma'ani Tuanku Bujang.

Fatimah yang juga ADUN Dalat semasa kunjungan itu turut diiringi Timbalan Menteri Belia, Sukan dan Pembangunan Usahawan Dato Gerald Rentap Jabu, Pengarah Unit Protokol, Istiadat dan Pengurusan Acara Datuk Mohamad Jumaidi Mohidin dan Residen Bahagian Mukah Kueh Lei Poh.



Jemputan: Asfia (tengah) dan Fatimah (tiga kiri) serta yang lain ketika kunjungan hormat ke Mukah.

Fokus bantu gelandangan mengubah taraf hidup mereka

TTG Miri dijangka beroperasi pada April 2024, pemilihan bandar raya Miri berdasarkan statistik gelandangan: Fatimah

Oleh Mohamad Norhadie Sahari

MIRI: Tempat Transit Gelandangan (TTG) Miri dijangka beroperasi April 2024 yang akan memberi fokus membantu gelandangan untuk mengubah taraf hidup mereka.

Menteri Pembangunan Wanita, Kanak-Kanak dan Kesejahteraan Komuniti Dato Sri Fatimah Abdullah berkata, pemilihan TTG di bandar raya ini berdasarkan statistik gelandangan di kawasan tersebut.

"Isu gelandangan adalah satu daripada 14 isu sosial yang diberi fokus oleh Kementerian melalui Majlis Pembangunan Sosial Sarawak.



AKTIVITI CSR: (Dari enam kanan) Fatimah dan Rosey menyaksikan Majlis Penyerahan Replika Cek Sumbangan SCR Syarikat Samling Group of Companies bernilai RM250,000 daripada James (lima kanan) kepada wakil MBM Semalam.

Menurutnya, profil gelandangan tetap yang direkodkan MPS dan Jabatan Kebajikan Masyarakat Sarawak (JKMS) dalam tempoh tersebut adalah 69 lelaki dan 24 perempuan.

Prevalens yang tertinggi adalah di Kuching iaitu 32 orang, diikuti Sibu (17), Bintulu (13), dan Miri (sembilan).

"Antara punca yang

menyebabkan mereka menjadi gelandangan adalah masalah keluarga (38 peratus), masalah kesihatan mental (33 peratus), tiada tempat tinggal (12 peratus), ketagihan minuman keras dan substans (10 peratus) dan dibuang kerja (lima peratus)," jelasnya.

Justeru, TTG adalah projek yang bermula dalam Rancangan Malaysia Ke-11

(RMK11) Peruntukan Kerajaan Sarawak bagi komuniti gelandangan untuk menyelesaikan masalah kesihatan mental sementara, khidmat sokongan dan rujukan intervensi seperti saringan kesihatan, bimbingan, latihan dan penyelesaian isu sosial lain yang dihadapi.

"Isu sosial seperti gelandangan adalah masalah yang rumit dan tidak mampu ditangani

"Antara punca yang menyebabkan mereka menjadi gelandangan adalah masalah keluarga (38 peratus), masalah kesihatan mental (33 peratus), tiada tempat tinggal (12 peratus), ketagihan minuman keras dan substans (10 peratus) dan dibuang kerja (lima peratus)."

Dato Sri Fatimah Abdullah Menteri Pembangunan Wanita, Kanak-Kanak dan Kesejahteraan Komuniti

secara silo.

"Kolaboratif secara bersepadu daripada pelbagai agensi awam, swasta, badan bukan kerajaan, komuniti setempat dan orang perseorangan atau dermawan sangat diperlukan," ujarnya.

Syarikat Samling Group of Companies telah menyumbangkan berjumlah RM250,000 kepada kerajaan Sarawak melalui Majlis Bandaraya Miri (MBM) untuk pengubahsuaian bangunan bagi penubuhan TTG Miri.

Fatimah berkata, untuk TTG Miri penubuhan dan pentadbiran oleh Lembaga Penasihat telah dibuat pada 7 Oktober 2022.

Di peringkat pengurusan TTG, Jawatankuasa Pengurusan TTG ditubuhkan mengikut lokasi yang dipengerusikan Residen Bahagian Miri dan ahli-ahlinya.

Ia terdiri daripada agensi-agensi dan NGO berkaitan seperti Pejabat Daerah Miri, Pejabat Kebajikan Masyarakat Bahagian, Pejabat Imigrasi Wilayah, AADK Daerah, Ibu Pejabat Polis Daerah, Pejabat Kesihatan Bahagian Bahagian, MBM dan NGO.

"Di peringkat pentadbiran operasi TTG, kita akan melantik sebuah 'anchor' NGO untuk menjalankan operasi harian dengan bantuan

rakan-rakan strategik NGO yang lain.

"Bagi TTG Miri, Residen Bahagian Miri sudah memulakan proses bagi mengenal pasti NGO-NGO yang berminat dan komited untuk menjadi 'anchor' NGO dan NGO-NGO sokongan dari kalangan pertubuhan bukan kerajaan tempatan yang mengoperasikan TTG yang dijangka siap pada April 2024 nanti," ujarnya.

Sementara itu, TTG Bintulu pula kini di peringkat pembinaan oleh Lembaga Kemajuan Bintulu (BDA) dan dijangka siap pada April 2025.

Manakala, TTG Kuching dalam proses tender oleh Dewan Bandaraya Kuching Utara (DBKU) dan dijangka siap pada Februari 2024.

Turut hadir ialah Timbalan Menteri Pembangunan Wanita dan Kanak-Kanak Datuk Rosey Yunus, Setiausaha Tetap Kementerian Pembangunan Wanita, Kanak-Kanak dan Kesejahteraan Komuniti (KPWK) Noriah Ahmad dan Ketua Pegawai Operasi Syarikat Samling Group of Companies James Ho Yam Kuan.

iltizam bersama ekuinas
Keusahawanan • Pendidikan • Komuniti

Peluang Untuk Kerjaya Cemerlang Dengan Program Pembangunan Profesional (PDP) Iltizam oleh Ekuinas, khas untuk Graduan Bumiputera yang masih menganggur.

Pemohonan kini dibuka untuk kemasukan sesi Januari 2024, graduan yang tidak bekerja dari komuniti Bumiputera B40 digalakkan memohon.



Hizwani Hassan (tengah) bersama Graduan PDP 2022.

Ekuini Nasional Berhad (Ekuinas), melalui Iltizam, bahagian Tanggungjawab Sosial Korporat (CSR), telah membantu 75 graduan Bumiputera dari seluruh Malaysia yang menganggur atau yang tidak mendapat pekerjaan yang setimpang dengan kelayakan. Mereka dibantu menerusi Program Pembangunan Profesional Iltizam (PDP) yang mengukuhkan peningkatan kemahiran intensif selama 12 bulan, digabungkan dengan latihan sambil bekerja di organisasi-organisasi terkemuka. Iltizam PDP adalah inisiatif tahunan Ekuinas sejak tahun 2012. Program ini telah berjaya melatih lebih dari 582 orang graduan untuk perkembangan kerjaya sejak ia dimulakan, dengan lebih daripada 40 orang graduan dari Sabah dan Sarawak. Pemohonan untuk kemasukan ke Iltizam PDP 2024 kini dibuka. Ekuinas menjemput graduan Bumiputera dari isi rumah B40, yang berusia di bawah 30 tahun, dari institusi pendidikan tinggi tempatan dari semua bidang pengajian, yang menganggur selama lebih dari 6 bulan untuk memohon.

Hizwani Hassan, Pengarah Pihak Berkepentingan di Ekuinas menjelaskan, "PDP membantu membentuk kemahiran-kemahiran paling penting dalam dunia pekerjaan. Kami amat bangga melihat transformasi dalam para pelatih setiap tahun ketika mereka memulakan kerjaya di Ekuinas atau syarikat rakan kongsi kami. Latihan sambil bekerja selama 12 bulan ini turut digabungkan dengan modul latihan berstruktur di dalam kelas dan dalam talian. Program ini membina kemahiran insaniah yang penting serta pengalaman yang bermakna, bantam meningkatkan daya saing dan kebolehpasaran peserta untuk alam pekerjaan profesional. Para peserta juga mendapat bimbingan dari mentor sepanjang program. Kami mengenali setiap peserta dan profesional ini berterusan walaupun program telah tamat.

"Kami telah melancarkan secara rasmi rangkaian alumni Iltizam PDP pada awal tahun ini. Rangkaian alumni ini menambah nilai yang besar kepada peserta PDP dan kepada 582 orang alumni kerana platform ini membuka peluang-pejuang dalam kerjaya dan juga pemagangan. Tahun ini, kami telah menganjurkan 3 sesi perjumpaan di Kuala Lumpur dan di Kota Kinabalu untuk alumni dari Sabah dan Sarawak. Alumni kami berada di seluruh Malaysia. Mereka mempunyai kerjaya yang cemerlang di organisasi swasta terkemuka, syarikat berkaitan kerajaan, sektor awam dan ada juga yang menjadi usahawan," tambah Hizwani.

PDP menggabungkan latihan intensif sambil bekerja selama 12 bulan di Ekuinas atau syarikat rakan kongsi Ekuinas. Modul latihan dan kemahiran khusus seperti kemahiran perniagaan dan pengurusan, kepimpinan, pengajaran Bahasa Inggeris, komunikasi dan pembentangan, kecakapan kewangan dan pemagangan turut digabungkan. Setiap peserta juga menerima bimbingan daripada mentor. Di sepanjang program, para peserta menerima gaji bulanan sebanyak RM2,500 serta sumbangan KWSP dan SOCSO, faedah insurans dan perubatan.

"Pada tahun 2022, 97% daripada peserta PDP mendapat pekerjaan tetap dalam tempoh 6 bulan selepas menamatkan program. Mereka terus bekerja di Ekuinas, syarikat rakan kongsi kami atau mereka mendapat pekerjaan di syarikat-syarikat tempatan dan global terkemuka yang lain," kata Hizwani.

Rita Paramitarsi Nazalya Bt Dahri, seorang graduan PDP tahun 2021 yang berasal dari Kabong di daerah Betong, Sarawak, mendapati latihan sambil bekerja memberikan impak besar kepada perkembangan peribadi dan profesional kerjayanya. "Di tempat kerja, saya merasa seperti sebahagian daripada pasukan. Walaupun di dalam latihan, saya diterima sebagai ahli penting dan turut terlibat dalam semua acara serta perbincangan yang berkaitan. Ini membuatkan saya berasa selesa, terlibat dan dihargai di tempat kerja."

"Bimbingan daripada mentor telah membawa perubahan besar dalam kerjaya saya. Saya menerima panduan yang berharga dan mereka menjadi rujukan utama semasa program dan juga selepas tamat program. Kini, dua tahun selepas menamatkan PDP, saya masih meminta nasihat mereka dan belajar dari pengalaman mereka," seperti yang dikatakan di Iltizam, "Anda akan meninggalkan PDP, tetapi PDP tidak akan meninggalkan anda."

Apabila ditanya tentang pengajaran utama dari program PDP ini, Rita menyimpulkan, "Pengajaran terbesar bagi saya adalah perubahan dalam cara pemikiran saya. Saya lebih bersedia untuk diri, mempelajari apa yang benar-benar bermanfaat untuk perkembangan peribadi. Saya kini percaya akan konsep pembelajaran berterusan, saya tidak lagi takut membuat kesilapan. Sebaliknya, saya melihatnya sebagai peluang untuk belajar dan memperbaiki diri. Perspektif baru ini tidak hanya memberi impak besar kepada saya, tetapi juga kepada orang di sekeliling saya. Saya belajar menjadi lebih boleh dan mudah menyesuaikan diri, selasa mengejar kerjaya yang berbeza daripada dahulu saya."

Rita, merupakan graduan ijazah Sains Sumber Akuatik & Pengurusan dari Universiti Malaysia Sarawak pada tahun 2019, kini bekerja sebagai Eksekutif Khidmat Pelanggan di AmBank Berhad.

Jayson Jason Bin Japary dari Keningau, Sabah telah tamat pengajian dari Universiti Malaysia Sabah dengan ijazah dalam Seni Visual dan

Mereka Telah Mencapai Kerjaya Cemerlang. ANDA JUGA BOLEH.

Telah mendapat ijazah tetapi masih menganggur? Jika anda bersemangat untuk membina kerjaya yang cemerlang dan sedia meningkatkan kemahiran diri, sertai Program Pembangunan Profesional (PDP) Iltizam 2024 oleh Ekuinas.

Latihan Sambil Bekerja Selama 12 Bulan berserta modul latihan berstruktur untuk membina kemahiran insaniah, teknikal dan kepimpinan serta pembangunan kendiri untuk meningkatkan daya saing dan kebolehpasaran	Gaji Bulanan RM2,500 berserta caruman EPF dan SOCSO, faedah perubatan dan insurans	97% Kadar Kejayaan 97% Graduan PDP 2022 berjaya memperoleh pekerjaan tetap dalam tempoh 6 bulan setelah tamat program
--	--	---

merupakan seorang alumni PDP tahun 2017. Mengemis kembali latihan PDP dan pengalaman bekerja di Cosmopoint College, Sabah selama 12 bulan, Jayson berkata ia telah membuka mata mengenai aspek-aspek penting seperti operasi syarikat dan prestasi peribadi. "Saya diberi peluang untuk bekerja di jabatan lain setiap 3 bulan. Pada mulanya saya berkhidmat di jabatan pentadbiran dan pembelian, kemudian jabatan pemasaran di mana saya diberikan tugas untuk melaksanakan kempen periklanan produk. Akhirnya, saya didefinisikan kepada bahagian akademik dan half-school pelajar. Ini memberi saya pengalaman menyeluruh tentang syarikat dan operasinya serta mencabar kerjayanya saya untuk menyesuaikan diri dengan cepat, belajar untuk berinteraksi dengan pasukan dalaman dan vendor luar. Saya belajar untuk bekerja di luar bidang pengajian saya."

"Dari pelbagai modul latihan, saya mendapati kursus mengenai teknik sesi temuduga paling berkesan. Saya telah menerima beberapa tawaran kerja setelah menamatkan PDP dan saya pasti ini adalah hasil dari teknik-teknik yang saya pelajari tentang persiapan dan berkomunikasi semasa temuduga. Kini, setelah saya menyertai Polis Diraja Malaysia (PDRM), saya sedang berusaha untuk menguasai teknik serupa digunakan di PDRM untuk temuduga berkaitan dengan kemahiran pengait dan grid."

"PDP telah mengubah cara saya melihat dunia pekerjaan. Sebelum ini, saya hanya memikirkan kerja sebagai cara untuk mendapatkan pendapatan. Setelah tamat PDP, saya melihat dunia pekerjaan sebagai platform untuk terus memperbaiki diri dan menyumbangkan kepada masyarakat. Jawatan saya sebagai Inspektor Polis, lebih tepatnya Komander Flatur, membekahkan saya sesuatu kebanggaan. Saya bersyukur telah sampai sejauh ini," ujar Jayson.

Menyimpulkan tentang program PDP, Hizwani Hassan berkata, "PDP bertujuan untuk membantu graduan Bumiputera dalam memacu kerjaya mereka dan menjadi contoh teladan untuk komuniti dan rakan sebaya. Kurikulum program dikaji semula secara berkala bagi kesesuaian dan keberkesanan.

Kami berusaha untuk membentuk individu yang seimbang dengan kebolehan berdaya tahan, bermotivasi dan bersemangat. Kami juga memberi tumpuan kepada pembangunan kemahiran komunikasi dan kepimpinan bagi meningkatkan daya saing mereka dalam persekitaran kerja yang mencabar pada masa kini. Program ini berfungsi sebagai 'finishing school' setelah mereka menamatkan pengajian tinggi," tambah Hizwani.

Pemohonan untuk kemasukan ke program Iltizam PDP sesi Januari 2024 kini dibuka sehingga 30 September 2023. Pemohonan boleh dihantar secara dalam talian di: <https://iltizam.ekuinas.com.my/pillars/education/pdp/>.